

西南稀見方志文獻

第五卷

中國西南文獻叢書

中國西南文獻叢書
第五卷
西南稀見方志文獻

中國西南文獻叢書·第一輯

西南稀見方詩文獻

第五卷



江苏工业学院图书馆
藏书章

本卷目錄

四川通志 五 [清] 常明 楊芳燦等修纂……………

一

【清】常明 楊芳燦等 修纂

四川通志

五

《重修四川通志二百四卷首二十二》，清常明、楊芳燦等修纂。本書據清嘉慶二十一年（公元一六七三年）木刻本影印，原書成品尺寸爲二十四厘米乘十六厘米，版框尺寸爲十九厘米乘十二點五厘米。

四川通志卷九十一

武備志十

邊防二

建昌道

漢武帝元鼎六年開邛都夷以爲邛都縣無幾而地陷爲汗澤因名爲邛池南人以爲邛河後復反叛元鼎六年漢兵自越嶲水伐之以爲越嶲郡其土地平原有稻田青蛉縣出同山有碧雞金馬光景時時出見俗多游蕩而喜謳歌略與牂牁相類

四川通志卷九十一 武備

邊防

一

豪帥放縱難得制御王莽時郡守枚根調邛人長貴以爲軍候更始二年長貴率種人攻殺枚根自立爲巧穀王領太守事又降於公孫述遂敗尤武封長貴爲邛穀王建武十四年長貴遣使上三年計天子卽授越嶲太守印綬十九年武威將軍劉尚擊益州夷路由越嶲長貴聞之疑尚既定南邊威法必行已不得自放縱卽聚兵起營臺招呼諸君長多釀毒酒欲先以勞軍因襲擊尚尚知其謀卽分兵先據邛都遂掩長貴誅之徙其家屬於成

部永平元年姑復夷復叛益州刺史發兵討破之

斬其渠帥傳首京師後太守巴郡張翕政化清平

得夷人和在郡十七年辛夷人受慕如喪父母蘇

祈叟二百餘人齎牛羊送喪至翕本縣安漢起墳

祭祀詔書嘉美爲立祠堂安帝元初三年郡徵外

夷大羊等八種戶三萬一千口十六萬七千六百

二十慕義內屬時郡縣賦斂煩數五年卷夷大牛

種封離等反畔殺逐長令明年永昌益州及蜀郡

夷皆叛應之衆遂十餘萬破壞二十餘縣殺長吏

四川通志卷九十一 武備

邊防

二

燔燒邑郭剽略百姓骸骨委積千里無人詔益州刺史張喬遷堪能從事討之喬乃遣從事楊疎將兵至牁榆擊之賊盛未敢進先以詔書告示三郡密徵求武士重其購賞乃進軍與封離等戰大破之斬首三萬餘級獲生口千五百人資財四千餘萬悉以賞軍士封離等惶怖斬其同謀渠帥詣疎乞降疎厚加慰納其餘三十六種皆來降附疎因奏長吏姦猾侵犯蠻夷者九十八皆滅死州中論功未及上會疎病創卒張喬深痛惜之乃刻石勒

銘圖畫其像天子以張翥有遺愛乃拜其子湍爲太守夷人惟喜奉迎道路曰郎君儀貌類我府君後湍頗失其心有欲叛者諸夷耆老相曉語曰當爲先府君故遂以得安後順桓開廣漢馮顯爲太守政化尤多異迹云

漢書

元鼎六年開梓都夷以爲梓都縣其人皆被髮左衽言語多好譬類居處畧與汶山夷同土出長年神藥仙人山圖所居焉元鼎六年以爲沈黎郡至天漢四年并蜀爲西部置兩都尉一居旄牛主徼

四川通志

卷九十一

武備

邊防

三

外夷一居青衣主漢人永平中益州刺史梁國朱輔好立功名慷慨有大畧在州數歲宣示漢德威懷遠夷自汶山以西前世所不至正朔所未加白狼槃木唐敢等百餘國戶百三十餘萬口六百萬以上舉種奉貢稱爲臣僕輔上疏曰臣聞詩云彼徂者岐有夷之行傳曰歧道雖僻而人不遠詩人誦詠以爲符驗今白狼王唐敢等慕化歸義作詩三章路經邛來大山高坂峭危歧險百倍歧道維負老幼苦歸慈母遠夷之語辭意難正草木異種

鳥獸殊類有健爲郡操田恭與之習仲碩曉其言臣輒合訊其風俗譯其辭語今遣從事史李陵與恭護送詣闕并上其樂詩云昔在聖帝舞四夷之樂今之所上庶備其一帝嘉之事下史官錄其歌焉肅宗初輔坐事免是時郡尉府舍皆有雕飾畫

山神海靈奇禽異獸目眩耀之夷人益畏憚焉和帝永元十二年旄牛徼外白狼樓薄蠻夷王唐增等遂率種人十七萬口歸義內屬詔賜金印紫綬小囊錢帛各有差安帝永初元年蜀郡三襄種夷

四川通志

卷九十一

武備

邊防

四

與徼外汗衍種并兵三千餘人反叛攻益陵城殺長吏二年青衣道夷邑長合田與徼外三種夷三十一萬口齎黃金旄牛牦毼土內屬安帝增合田爵號爲奉通邑君延光二年春旄牛夷叛攻零關殺長吏益州刺史張喬與西部都尉擊破之於是分置蜀郡屬國都尉領四縣如太守桓帝永壽二年蜀郡夷叛殺署吏民延熹三年蜀郡三喪夷寇益陵殺長吏四年健爲屬國夷寇界益州刺史山昱擊破之斬首千四百級餘皆解散靈帝時以蜀

郡屬國爲漢嘉郡 漢書

靈帝熹平五年蠻復反擁沒益州太守雍陽遣御史中丞朱龜將并涼勁兵討之不克朝議不能征欲依朱崔故事棄之太尉掾巴郡李融獻陳方策以爲可討帝乃拜融益州太守與刺史龐芝伐之徵龜還融將巴郡板楯軍討之皆破勝得生出後復更叛梓潼景毅爲益州太守承喪亂後民夷困餽米一斗千錢皆離散殺至安集後米一斗八錢 漢書

四川通志

卷九十一

武備

邊防

五

獻帝建安十九年蜀漢先主定蜀以鄧方治南昌夷漢敬其威信方卒先主問代於治中從事建寧李恢對曰西零之役趙充國有言莫若老臣先主遂用恢爲都督治平夷縣先主薨後帝建興元年越嵩叟帥高定殺郡將軍焦璜舉郡稱王以叛益州大姓雍闓亦殺太守正昂更以蜀郡張裔爲太守闓假鬼教曰張裔府君如孤壺外雖澤而內實粗殺之不可合縛與吳於是執送裔於吳吳王孫權遙用闓爲永昌太守遣故劉璋子闓爲益州刺

四川通志

卷九十二

武備

邊防

六

史惠交益州際牂柯郡丞朱提朱褒領太守亦擁郡反永昌五官掾功曹呂凱與府丞蜀郡王伉帥屬吏民閉境拒闓丞相諸葛亮以初遭大喪未便加兵遣趙嵩太守巴西龔祿往安上縣遙領郡從事蜀郡常順行部南入以都護李嚴書曉諭闓闓答曰愚聞天無二日土無二主今天下派分正朔有三遠人惶惑不知所歸其傲慢如此願至牂柯收郡王簿考訊褒因鯀願爲亂益州夷復不從闓聞使建寧孟獲說夷叟曰官欲得鳥狗三百頭膺前盡黑蠟腦三斗斲木構三丈者三千枚汝能得不夷以爲然皆從闓斲木堅剛性委曲高不至二丈故獲以欺夷建興三年春亮南征自安上由水路入趙嵩別遣馬忠伐牂柯李恢向益州以犍爲太守廣漢王士爲益州太守高定自旄牛定犍卑水多爲壘守亮欲俟定軍衆集合并討之軍卑水定部曲殺雍闓及士庶等孟獲代闓爲主亮旣斬定而馬忠破牂柯李恢按道建寧南人圖恢軍于昆明恢衆少敵倍丞相亮軍由越嵩未得聲息乃

四川通志

卷九十一

武備

七

結謂南人曰官軍糧盡欲規退還吾南人不能復北欲還與汝等同計謀故以誠告南人信之圍守忠殺于是振出擊大破之追奔逐北南接槃江東至群柯與亮聲勢相連所在戰捷聞夏五月亮渡瀘進征益州生虜孟獲使觀於營陣之間問曰此軍何如獲對曰向者不知虛實故敗今蒙賜觀看營陣若祇如此即定易勝耳亮以方務在北而南中好叛亂宜窮其詐縱使更戰七縱七擒而亮猶遺獲獲止不去曰公天威也南人不復反矣遂至

四川通志

卷九十一

武備

八

部曲亮收其俊傑建寧蠻習朱提孟炎及獲為官屬習官至領軍炎輔漢將軍獲御史中丞出其金銀丹漆耕牛戰馬給軍國之用皆即其渠率而用之或以諫亮亮曰若畱外人則當畱兵兵畱則無所食一不易也加夷新傷被父兄死喪畱外人而無兵者必成禍患二不易也又吏累有廢殺之罪自嫌覺重若畱外人終不相信三不易也今欲吾使不畱兵不運糧而綱紀粗定夷漢粗安故耳自是軍資所出國以富饒

四川通志

卷九十一

武備

邊防

九

其帥魏狼又解縱告喻使招懷餘類表拜狼爲邑
侯種落三千餘戶皆安土供職諸種聞之多漸降
服疑以功賜爵關內侯蘇祁邑君冬逢翁隗渠等
已降復反疑誅逢妻施牛王女疑以計原之而
渠逃入西徽渠剛猛捷悍爲諸種深所畏憚遣所
親二人詐降疑實取消息疑覺之許以重賞使爲
反間二人遂合謀殺渠渠死諸種皆安又祁都者
帥李求承昔手殺龔祿疑求摹捕得數其宿惡而
誅之始疑以祁都宇頽壤更築小塢在官三年徙
還故郡緇治城郭夷種男女莫不致力定祚臺登
卑水三縣去郡三百餘里舊出鹽鐵及漆而夷微
久自固食疑率所領奪取署長吏焉疑之到定祚
率豪狼岑榮木王舅甚爲蠻夷所信任念疑自侵
不自來詣疑使壯士數十直往收致撻而殺之持
尸還種厚加賞賜喻以狼岑之惡且曰無得妄動
動即殄矣種類咸面縛謝過疑殺牛饗宴重申恩
信途獲鹽鐵器用周贍漢嘉郡界施牛夷種類四
千餘戶其率狼路欲爲姑壩冬逢報怨遣叔父離

四川通志

卷九十一

武備

邊防

十

將逢衆相度形勢疑遣親近齋牛酒勞賜又令
離姊逆逢妻宣暢意旨離既受賜并見其姊姊弟
歡悅悉率所領將詣疑疑厚加賞待遣還施牛由
是輒不爲患郡有舊道經施牛中至成都既平且
近自施牛絕道梗已百餘年更由安上既險且遠
疑遣左右齋貨幣賜路重令路姑喻意路乃率兄
弟妻子悉詣疑疑與盟誓開通舊道千里肅清復
古亭驛奏封路爲施牛叟毗王遣使將路朝貢後
主于是加疑撫戎將軍領郡如故 三國志
魏帝奐景元四年晉司馬昭并蜀仍以蜀南郡霍
弋爲安南將軍都督南中七善參毗之禮蜀漢末
撫和異俗爲之立法施教輕重允當夷晉安之弋
卒子在龔領其兵和諸姓晉以巴西太守吳靜在
官數年撫卹失和軍司鮮于嬰表徵靜還嬰因代
之晉泰始六年以益州大分南中四郡爲寧州嬰
爲刺史咸寧五年尚書令衛瑾奏兼并州郡太康
三年罷寧州置南夷以天水李毅爲校尉持節統
兵鎮南中統五十八部夷族都監行事每夷供貢

四川通志

卷九十一

武備

邊防

十一

南夷府入牛金旗馬動以萬計皆豫作忿恚致校尉官屬其供郡縣亦然南人以爲饒自四姓子弟仕進必先經都監夷人大種曰昆小種曰婁皆曲頭木耳環鐵裹結無大侯王如汝山漢嘉夷也夷中有桀黠能言議風服種人者謂之耆老使爲主論議好譬喻物謂之夷經今南人言論雖學者亦半引夷經與夷爲姓曰邊耶諸姓爲自有耶世亂犯法輒依之藏匿或曰有爲官所法夷或爲執仇與夷至厚者謂之百世邊耶思若骨肉爲其通逃之數故南人輒爲禍變恃此也其俗徵巫鬼好詛盟投石結草官常以盟詛要之諸葛亮乃爲夷作圖譜先畫天地日月君長城府次畫神龍生夷及牛馬羊後畫部主吏乘馬幟蓋巡行安郵又畫牽牛負石齋金寶詣之之象以賜夷夷甚重之許致生口直又與瑞錦鑲券今皆存每刺史校尉至齋以呈語動亦如之毅後永昌呂祥爲校尉祥後數人李廣漢從雲南捷爲郡守爲校尉久之建寧太守巴西杜俊朱提太守梓潼雍約犍爲無治政以

四川通志

卷九十一

武備

邊防

十二

賄成俊奪大姓鐵官令毛詵中郎李督部曲致詵弟耐罪朱提大姓太中大夫李猛有才幹弟爲功曹分當察舉而俊約受都尉雷逢賂舉逢子焰孝廉不禮猛猛等怨之大安元年秋詵督猛逐俊以叛猛遣之書曰昔魯侯失道季氏出之天之愛民君師所治知足下追踵古人見賢思齊足下箕帚枉慚吾郡亦逐約應之作亂衆數萬殺討破之斬詵首督走依邊耶王茶夷帥于陵承猛焚降曰生長遐荒不達禮教徒與李雄和光合勢雖不能營師五丈畧地涓濱冀北斷襄斜東據永安退考靈符晉德長久誠非狂夫所能干輒表革面歸罪有司敕惡其言遂誘殺之行部永昌從事江陽孫辨上南中形勢七郡斗絕晉弱夷強加其土人屈塞應復寧州以相鎮慰冬十一月丙戌詔書復置寧州增統牂柯益州朱提合七郡爲刺史加龍驤將軍進封成都縣侯二年于陵承詵殺請恕督罪殺許之督至羣下以爲詵督破亂州土必殺之殺不得已許詵及督死于陵承及詵猛連耶怒扇勳謀

四川通志

卷九十一

武備

邊防

三

反奉建寧太守巴西馬恢爲刺史燒郡爲發救方疾作力出軍初以救恢及聞其情乃殺恢夷愈強盛破壞郡縣役吏民奮殺疾甚軍運不利晉民或入交州或入永昌牂牁亦爲夷所困虜夷因攻圍州城穀但併力固孤城病篤不能戰討時李特李雄作亂益州而所在有事救援莫致穀上疏陳謝不能式遏寇虐疾與事逼使虜遊魂兵殺既單器械窮盡而求救無望坐待殄絕若必不垂矜憂乞請大使及臣尙存加臣重罪若臣已死陳屍爲戮光熙元年春三月殺薨子釗任洛還赴到牂牁路塞停住交州交文武以毅女秀明達有父才遂奉領州事秀初適漢嘉太守廣漢王載載將家避地在南故共推之又以載領南夷龍驤參軍秀獎厲戰討食糧已盡人但茹草炙鼠爲命秀伺夷怠緩輒出軍掩破首尾三年釗乃得達丁喪文武復逼釗領州府事毅故吏毛孟等詣洛求救至欲自刎懷帝乃下交州使救助之以釗爲平寇將軍領南夷護軍遣御史趙濤贈毅少府諡曰威侯交州

四川通志

卷九十一

武備

邊防

四

刺史吾彥遣子威遠將軍咨以援之朝廷以廣漢太守魏興王遜爲南夷校尉寧州刺史代毅自永嘉元年受除四年乃至遜舉建寧董敏爲秀才郡久無太守功曹周悅行郡事輕敏不下其板遜至怒殺悅悅弟秦滅長周昂合夷衆謀以趙濤父混皆爲建寧有德惠欲殺遜樹濤遜誅之并殺濤夷晉莫不惶懼表釗爲朱提太守治南夷禦雄時荒亂後倉無斗粟衆無一旅官民虛竭繩紀弛廢遜惡衣菜食招集夷民夷微厭亂漸亦返善勞來不怠數年克復以五茶夷昔爲亂首圖討之未有致罪會夷發夜郎莊王墓遜因此遂討滅之及討惡獠剛夷數千落威震南方官至平西安南將軍又兼益州刺史加散騎常侍封襄中伯而嚴猛太過多所誅鋤健爲太守朱提雷炤流民陰貢平樂太守董霸破牂牁平夷南夷北降李雄建寧蠻量與益州太守李易梁水太守董愷保興古槃南以叛雄遣叔父驤破越嶲伐寧州遜使使督護雲南姚岳距驤於螳螂縣遠遜指授雖大破驤不獲太興

四川通志

卷九十一

武備

邊防

五

四年遂發病薨州人推中子堅領州事永昌元年
晉朝更用零陵太守南陽尹奉爲寧州刺史南夷
校尉加安西將軍奉威刑綏鈍政治不理咸和八
年遂爲弟壽所破獲南中盡爲雄所有惟牂何
謝恕不爲壽所用遂保郡獨爲晉官至撫夷中郎
將寧州刺史冠軍是歲咸和八年也華陽國志
唐高祖武德九年益州獠反劍南諸獠自武德貞
觀間數寇暴州縣者不一巴州山獠王多馨叛梁
州都督龐玉梟其首又破餘黨符陽白石二縣獠
其後眉州獠反益州行臺郭行方大破之未幾又
破洪雅二州獠俘男女五千口是歲益州獠亦反
都督竇軌請擊之太宗報曰獠依山險當拊以恩
信脅之以兵威豈爲人父母意耶貞觀七年東西
王洞獠反以右屯衛大將軍張士貴爲龔州道行
軍總管平之十二年巫州獠叛龔州都督齊善行
擊破之俘男女三千餘口是歲巴洋集壁四州山
獠叛攻巴州遣右武侯將軍上官懷仁破之于壁
州虜男女萬餘明年遂平十四年羅賓諸獠叛以

四川通志

卷九十一

武備

邊防

六

廣州都督黨仁宏爲賓州道行軍總管擊之虜男
女七千餘人太宗再伐高麗爲船劍南諸獠皆半
役雅邛眉三州獠不堪其擾相率叛詔發隴右峽
兵二萬以茂州都督張士貴爲雅州道行軍總管
與右衛將軍梁建方平之高宗初炎州獠叛梓州
都督謝萬歲兗州刺史謝法興黔州都督李孟嘗
討之萬歲法興入洞招慰遇害顯慶三年羅賓生
獠酋領多胡桑率衆內附上元末納州獠叛寇故
茂都掌二縣殺吏民焚廨舍詔黔州都督發兵擊
之貞元中嘉州綏山縣婆籠川生獠首領甫枳兄
弟誘生蠻爲亂剽居人西川節度使韋臯斬之招
其首領勇于等出降或請增柵東凌界以守臯不
從曰無戎而城害所生也獠亦自是不擾境戎獠
閒有葛獠居依山谷林簣踰數百里俗喜叛州縣
撫視不至必合黨數千人持排而戰奉酋爲王
號曰婆能出入前後植旗大中末昌瀘二州刺史
貪省以弱繪及羊疆獠市米麥一斛得直不及半
羣獠訴曰當爲賊取死耳刺史召二小吏楊之曰

四川通志

卷九十一

武備

邊防

七

皆爾屬爲之非吾過獠相視大笑遂叛立酋長始
艾爲王踰梓潼所過焚剽刺史劉成師誘降其黨
斬首領七十餘人餘衆遁至東川節度使柳仲郾
諭降之始艾稽首請罪仲郾貴遣之當時黎邛二
州之東又有凌蠻西有三王蠻蓋犛都夷白馬氏
之遺種楊劉郝三姓世爲長襲封王謂之三王部
落蠻犛而居號綱舍歲稟節度府帛三千匹以謂
南詔南詔亦密賂之規成都虛實每節度使至會
長來謁節度使多奏威惠所懷以罔天子也前謁
必請於都押衙且聽命都押衙不令者輒詆其叛
常倚三王部落求姑息至唐末益甚雅州西有通
吐蕃道三日夏陽曰靈松曰始陽皆諸蠻錯居凡
部落四十六部州三百餘里之外有百坡當品嚴
城中川錯矣昌逗錯井七部落四百餘里之外有
羅巖當馬三井束鋒名耶錯恭畫重羅林籠羊林
波林燒龍逢索古敢川驚川禍船不燭十七部落
五百餘里之外有諸祚三恭布嵐欠馬論川譚川
遠南卑盧靈龍昭川全川東嘉梁西嘉梁十三部

四川通志

卷九十一

武備

邊防

六

落六百餘里之外有椎梅作重禍林金林邏達五
部落皆羈縻州也以首領襲刺史嵩州新安城傷
有六姓蠻一曰蒙蠻二曰夷蠻三曰訛蠻四曰狼
蠻餘多鄧及白蠻也戎州管内有關驛浪三州大
鬼主董嘉慶累世內附以忠謹稱封歸義郡王貞
元中狼蠻亦請內附補首領浪沙爲刺史然卒不
出劍南西川節度使韋皋檄嘉慶殺押狼蠻又有
魯望等部落徙居戎州馬鞍山以其遠邊微戶
給米二斛鹽五斛北又有浪稽蠻羅哥谷蠻東有
婆秋蠻烏皮蠻南有離東蠻銅鑊蠻西有磨些蠻
與南詔越析相姻婭自浪稽以下古滇王哀牢雜
種其地與吐蕃接亦有姐羌古白馬氏之裔劍山
當吐蕃大路屬石門柳疆二鎮置戍守捉以招討
使領五部落一曰彌羌二曰錄羌三曰胡叢其餘
東欽磨些也又有夷望鼓路西望安樂湯谷佛蠻
虧野阿醯阿鶚鉤蠻林井阿異十二鬼主皆隸樹
州又有奉國苴伽十一部落春秋受賞於嵩州然
挾吐蕃爲輕重每節度使至諸部獻馬酋長衣虎

四川通志

卷九十一

武備

邊防

九

皮餘皆紅帛束髮錦縵半臂既見請匹錦斗酒折草招父祖魂以歸鄉里及還襄錦植馬上而去又有顯養東魯諸蠻永徵三年與胡叢皆叛高宗以右驍衛將軍曹繼叔爲嵩州道行軍總管戰斜山拔十餘城斬首七百獲馬犛牛萬千又有勿鄧地方千里爲卅部六姓一姓白蠻也五姓烏蠻也又有初裏五姓皆烏蠻也居邛部臺登之閒婦人衣黑絹其長曳地又有欽蠻二姓皆白蠻也居北谷婦人衣白縐長不過膝又有栗蠻二姓雷蠻三姓夢蠻三姓散處黎傷戎數州之鄙皆隸勿鄧勿鄧南七十里有兩林部落有十低三姓阿屯三姓虧望三姓隸焉其南有豐琶部落阿諾二姓隸焉兩林地雖陋而諸部推爲長號都大鬼主勿鄧豐琶兩林皆謂之東蠻天寶中皆受封爵及南詔陷嵩州遂羈屬吐蕃貞元中復通款以勿鄧大鬼主苴蒿兼邛部團練使封長川郡公及死子苴驪離幼以苴夢衝爲大鬼主數爲吐蕃侵獵兩林都大鬼主苴那時遺韋臯書乞兵攻吐蕃臯遣將劉朝

四川通志

卷九十一

武備

邊防

三

彩出銅山道吳鳴鶴出清溪關道鄧英俊出定蕃柵道進逼臺登城吐蕃青海臘城二節度軍於北谷青海大兵馬使乞藏遮遮臘城兵馬使悉多楊朱節度論東柴大將論結突黎等皆戰死執龍官四十五人鎧仗一萬牛馬稱是進拔于葱棚乞藏遮遮尙結贊子也以尸還其下囊貢節度薛論百餘人行哭使一人立尸左一人問之曰瘡痛乎曰然卽傳藥曰食乎曰然卽進膳曰衣乎曰然卽命裘又問歸乎曰然以馬載尸而去詔封苴那時爲順政郡王苴夢衝爲懷化郡王豐琶部落大鬼主驪傷爲和義郡王給印章袍帶三王皆入朝宴麟德殿賞賚加等歲給其部祿鹽衣絳黎傷二州吏就賜之以山阻多爲盜侵亡失所賜臯令二州爲築館有賜約會長自至授賜而遣之然苴夢衝內附吐蕃斷南詔使路卑遣嵩州總管蘇危以兵三百名夢衝至琵琶川聲其罪斬之披其族爲六部以樣棄主之及苴驪離長乃命爲大鬼主驪傷年少驪敢數出兵攻吐蕃吐蕃聞道焚其居室部落

亡所賜印章畢為請復得印 新唐書

元宗天寶九年南詔反陷雲南郡南詔或曰鶴拓
曰龍尾曰直咩曰陽劍本哀牢夷後烏蠻別種也
其先渠帥有六夷謂王為詔自號六詔曰蒙嵩詔
越析詔浪穹詔達賧詔施浪詔蒙舍詔兵將不能
相君蜀諸葛亮討定之蒙舍詔在諸部南故稱南
詔居永昌姚州之閒東距巖東南屬交趾西摩加
佗西北與吐蕃接南女王西南驃北抵益州東北
際黔巫王都羊直咩城別都曰善闡府自稱曰元
四川通志 卷九十一 武備 邊防 三

四川通志

卷九十一

武備

邊防

三

猶朕也謂其下曰昶猶卿爾也官曰坦綽曰布燮
曰久贊謂之清平官決國事輕重猶唐宰相也曰
酋望曰正酋望曰員外酋望曰大軍將曰員外猶
試官也幕爽至兵琮爽至戶籍慈爽至禮罰爽至
刑勸爽至官人厥爽至工館萬爽至財用引爽至
客禾爽至商賈皆清平官酋望大軍將兼之爽猶
言省也督爽總三省也乞託至馬祿託至牛巨託
至倉廩亦清平官酋望大軍將領之曰爽酋曰彌
勤曰勤齊掌賦稅曰兵猛司掌機密大府主將曰

演習副曰演覽中府主將曰繕裔副曰繕覽下府

主將曰澹會副曰澹覽小府主將曰幕撥副曰幕
覽府有陀會若管記有陀西若判官大抵如此王
蒙氏父子以名相屬自舍龐以來有譜次可攷舍
龐生獨邏亦曰細奴邏高宗時遣使者入朝賜錦
袍細奴邏生邏盛炎邏盛炎生炎閣武后時盛炎
入朝妻方娠生盛邏皮喜曰我又育子死唐地足
矣炎閣立死開元時弟盛邏皮立生皮邏閣授特
進封臺登郡王炎閣未有子時以閣邏鳳為嗣及
生子還其宗而名承閣遂不改開元末皮邏閣逐
河蠻取太和城又襲大磴城守之因城龍口夷語
山陂陀為和故謂太和以處閣邏鳳天子詔賜皮
邏閣為歸義當是時五詔徵歸義獨強乃厚以利
啖建南節度使王昱求合六詔為一制可歸義已
并羣蠻遂破吐蕃寶騎大入朝天子亦為加禮又
以破泅蠻功遣中人冊為雲南王賜錦袍金鈿帶
七事于是徙治太和城天寶初遣閣邏鳳子鳳伽
異入宿衛拜鴻臚卿恩賜良異七載歸義死閣邏

四川通志

卷九十一

武備

邊防

三

四川通志

卷九十一

武備

邊防

三

鳳立龔王以其子鳳伽異為陽瓜州刺史初安寧城有五鹽井人得焚鬻自給元宗詔特進何履光以兵定南詔境取安寧城及井復立馬援銅柱乃還後鮮于仲通領劍南節度使下忿少方畧故事南詔嘗與妻子謂都督雲南太守張虔陀私之多所求丐閣還鳳不應虔陀數詬斬之陰表其罪南詔王閣還鳳殺虔陀仲通自將出戍備州分二道進薄白崖城大敗引還閣還鳳歛戰慄榮京觀遂北臣吐蕃吐蕃以為第夷謂弟為鍾故稱贊普鍾揭碑國門明不得已而叛嘗曰我上世世奉中國累封賞後嗣密歸之若唐使者至可指碑澡祓吾罪也會楊國忠以劍南節度使當國乃調天下兵凡十萬使侍御史李宓討之宓敗于太和城死者十之八安祿山反閣還鳳因之取備州會同軍據清溪關以破越析臯于贈西而降尋傳驛諸國閣還鳳子鳳迦異前死立其孫異牟尋以嗣異牟尋有智數善撫眾畧知蕃母李獨錦蠻女也獨錦蠻亦烏蠻種在秦藏川南天寶中命其長為歸州刺

四川通志

卷九十二

武備

邊防

四

史世與南詔婚聘異牟尋立後悉眾二十萬入寇與吐蕃并力一趨茂州踰汶川擾灌口一趨扶文掠方維白坝一侵黎雅叩邛崃關令其下曰為我取蜀為東府德宗發禁衛及幽州軍以援東川與山南兵合大敗異牟尋眾斬首六千級捕獲甚眾顛踏厓峭且十萬異牟尋懼更徙且咩城築袤十五里吐蕃封為日東王然吐蕃責賦重數悉奪其險立營候歲索兵助防異牟尋稍苦之故西瀘令鄭回者唐官也往備州破為所虜閣還鳳重其悼備號蠻利俾教子弟得華技故國中無不憚後以為清平官說異牟尋曰中國有禮義少求責非若吐蕃酷刻無厭也今棄之復歸唐無遠戍勞利莫大此異牟尋善之稍謀內附然未敢發會節度使韋皋撫諸蠻有威惠諸蠻頗得異牟尋語白于牟時貞元四年也牟乃遣諜者遺書吐蕃疑之因責大臣子為質異牟尋愈怨乃決策遣使者三人異道同趨成都遣韋皋書述曾祖有寵先帝後嗣率蒙襲王人知禮樂本唐風化吐蕃許給百情懷惡